

Soorinaide Incuwarens Faida okkol olla dorhas goribor niyom

Sorinaide Incuwarens (UI) oilde ham araiyede kabel hamgoroya olore toitta amodoni entezamgoribolla banaiyede uggwa program. UI program e kabel ola sorinaide hamgoroya olore haftawari faida okkol entezamgore.

Kiyólla añártú dorháas gorónsa?

Oñne UI program olla dorhas gorifariba zodi...

- Oñnottu mutheo sorinai,
- Oñnor haftawari amodoni homaiye, yato
- Ayedde 13 hafta butore oñnore ham ottu félaidit fare.

ZORURI: Oñne UI or faida okkol faito saiyyode kelendhari haftar aherottu háñt dinor butore hamaha ekkan curur dabigorar dorhas diya foribou.

Añttu dorhas goribolla ki zorurot lagibou?

Zati Malumat

- Onlin-oth fura goribolla:
 - Yuzarneim ar paswaádh.
 - Ogwa sóiyisábutor torika (fún nombór yaato sóiyisábut-gorede app).
 - Ekkán sóiyi íméil thíkana yá mubáil fún nombór.
- Tuáñr ehonor thíkana.
- Tuáñr cómazí héfazot nombór.
- Tuáñr Wisconsin soloyar licen yaato sóiyisábut-or nombór (Jodi tuñattu ogwa thake)

Hamorgiros or malumat

Gelde 18 mac or tuáñr ham or tuarik lói órdua:

- Hamdouyar harbar or nam ókkol.
- Hamdouyar thíkana ókkol(zip kud odda loi)
- Hamdouyar fún nombór.
- Fótti hamdouyar fúañtí ham or foila ar ahéri tarík ókkol.
- Fotti hamorgiros loi ar ham nogorar haron

Oinno Malumat

- Zodi tuñí BI fáida ré daárik dipozít lói faito soó dé óile, tuáñr beéng or routing nombór arde tuáñr ekoun nombór.
- Zodi tuñí ekzon union membór óile, nam arde tuáñr union hóol or mokami nombór.
- Zodi ogwa U.S. or decóitta **noile**, tuáñr alien rejisthrecén nombór, documen nombór, aar fúraibóude tarík
- Zodi tuñí gelde 18 mac fóijjonto meletérir ham góijjo dé óile, Fórom DD-214.
- Zodi tuñí ekzon féderel sivílien hamgorouya óile, Fórom SF-50 yá SF-8.

Onlain DORHARGOROR eçe

my.unemployment.wisconsin.gov

yato oñnor fún or kemera loi yónt esken goror:



Soorinaide Incuwarens (UI) goribolla kabel hon manuc?

UI Kabeliyoti Corót okkol

Oñne UI olla kabel asone yian faiselagoribolla DWD e oñnor curur dabigorar dorhas ore zasaigori saibou. Añra tinnan corót ore sai:

- Ekkkan curur dabigorar dorhas dibor age 12 oite 18 mac ot oñnor tolob okkol.
- Oñnor agor hamorgiros(okkol) loi ar ham nogorodde yian or haron.
- Oñnor hamgoribor solahiyot ar fórusot taka.

UI er kabiliyotir babote arou malumat zanibolla, Ikka zo: dwd.wisconsin.gov/uiben/handbook/eligibility.htm

Oñne kabel asone yian yakin noor? Oñne kabel asone yian zanifaribolla dorhas goro. Oñne kabel takile yian serof DWD e faisela gori fare.

Dabidar or Henbouk (Malumati Boi) ore Foro

Henbouk ot maze UI ar oñnor kanuni hók olor babote zoruri malumat okkol ase, zeçé ase:

- Faida ololla kibafe dorhas gore.
- Faida ololla oñnor kabeliyoti re kibafe faisela gore.
- Faidar pemen faibolla fóttí haftat oñnotu hamaha ki gora foribou.

Ikka zo: dwd.wisconsin.gov/uiben/handbook

Añi Kibafe Dorhas Goriyoum?

Onlain ot Dorhasgoro!

- Onlain ot dorhasgora oilde sóbse joldi torika! Entezar or thaim no lage.
- Ingirazi ar Espanic zuban ot fa za.
- Eskrin ridhar (Screen reader) loi estemalgora za.

Onlain dorhasgoribor tobka okkol:

1. Eçe my.unemployment.wisconsin.gov zaiyo yato oñnor fún or kemera loi yoñit esken goro:



2. Niyom ar cortó okkol ore foriyore mani loiyó.
3. Uggwa yuzarneim ar paswaádh banaiyo.
Tobka yian or híssa hisafe onor forisoí tosdikgora zorurot oit fare. Zodi onor forisoí tosdikgora zorurot oile, onor forisoí tosdik no oó foijjonto one arosnama ekkán dahelgori no fariba.
4. Tuáñr dabidar-oth goilte bútoze gólo.
5. Oñnor curur dabigorar dorhas ore kamel goro.

Niser thaim gin ot onlain ot dorhas goriyo:

Roibar	Beinna 9:00 a.m. – Ada-raít (Midnight)
Combar – Cukkurbar	24 góndha fa zaibou
Conibar	Ada-raít – Duñíjja 3:00 p.m.

Bekar or Hemayoti Senthar (Unemployment Help Center) ot kool goriyo

Zodi oñne...

- Onlain sewa okkol estemal goriyore modot or zorurot oiye.
- Dorhas goribolla onlain ot zait no faror.
- Mazur yato dorhas goribolla modot lager.
- Ingirazi yato Espanic zuban or hotá no zano ar zubani modot zorurot ase.

Modoth or céntar (414) 435-7069 oth yaato hásil sara (844) 910-3661 oth koól goro.

Hemayoti Senthar Ofis Kular Thaim

Buidbar - Cukkurbar	Beinna 7:30 a.m. – Duñíjja 4:30 p.m.
Combar - Mongolbar *	Beinna 7:30 p.m. – Duñíjja 4:30 p.m.

- * Combar ar Mongolbar okkol oilde añra sobse duwadi takide din okkol. Oñnor entezari thaim homaibolla, haftar oinno din okkol ot kool diyo.

Añi Dorhas gori bade Ki Oibou?

UI er Kabiliyoti re Doriraka

1. **Hamolla seráng goro** – Jodi Wisconsin or hamor céntaroth seráng donnan zoruri oyede oile túñare iyanor muthallek Janaibo. Zodi zorurot oile, eçe JobCenterofWisconsin.com/ui zoo; log on goro; sewa ololla rejisthar goro; nizer húlasa boiyan ekkán dhaliyore salugoro. Oñnor UI faida olor dorhas furagori bade 14 din or butore yian kamel oit fare.
2. **Ham Tuwo** – Zodi oñnottu ham tuwaibolla zorurot oile oñnore ettela goribou. Zodi zorurot oile, FOTTÍ HAFTA homashom 4 gan ham tuwar horkot goriyo. Soiyi ham tuwar horkot okkol or mesal ot maze hamorgiros or hañse hamor dorhas zoma diya yato hamor intharbiyut corik uwa camel ase.
3. **FOTTÍ HAFTA maze Haftawar Dabi ekkán zomadiyo** – Giyoide hafatar haftawari dabi zomadibolla oñnottu hamaha Roibar yato yar bade foijjonto entezar gora foribou.

Nuth: Oñnor ham tuwar horkot olore lagatar solaiyore oñnor haftawari dabi tozdikgora re zoma diyo zodi ouk:

- DWB e oñnor kabiliyotir tahakik goredde comot pemen okkol ore zúlai raikke ar/yato;
- Oñne yato oñnor hamorgiros e ekkán kabiliyotir faiselar aros goijje ar aros gan bazaiya ase.

Hamoni olor Repouth

- Zodi oñne path-thaim ham gorile o, oñne faida ololla kabel takit faro. Path-thaim ham e oñnor faida olot kibafe asor goribou yian tofsil zani bolla, Ikka zo:
dwd.wisconsin.gov/uiben/reductions.htm
- Oñne hamoni olor e iín hamaiyode haftat maze hamaha riputh gora foribou, zodi o oñnottu hamoni adai noó.
- Cuthki ar adaigora badgiyoide iín ore mokorgoijja haftat maze hamaha riputh gora foribou, zodi foror haftat maze oñne pemen faile o. Zodi oñnottu e kisim or pemen okkol mokoror gojjene yian fakka noile oñnor haomorgiros ore kool diyo.

Egazagorede Súwal Okkol

Añi faiyoumde UI faida olor mikdar hodun?

Oñnor haftawari faidar Reith (WBR) oiboude oñnor buniyadi thaim or sóbse-beci-adai oiyede hissar adaigora tolob or 4%. Zodi oñnor WBR gwa \$54 ottu ware hom oile, oñne UI faida ololla kabel noiba. Sóbse beci WBR oilde \$370. Oñnor faidar Reith hisab goribolla, Ikka zo:

dwd.wisconsin.gov/uiben/calculator-wbr.htm

Oñnor sóbse beci faidar mikdar (MBA) oiboude oñnor WBR or 26 gun, yato oñnor hárr asede ham or muth buniyadi thaim or tolob olor 40%, ze mikdar gwa hom oibou. UI faida olore hisab gorar babote arou zanibolla, Ikka zo: dwd.wisconsin.gov/uiben/qualifying-wages.htm

Añi ekzon foroinna fuwa. Añi kabel oiyoum ne?

Zodi oñne foroinna fuwa oile, UI faida ololla dorhas goribiccot hamaha añrare zana foribou. Oñne ham goribolla azir asone yian faisela goribolla ekkán tahakik goribou. Oñne hamgoribolla azir no takit faro ar "tosdikgora threnin" hoi manilode talimi kous uggwa uchedde cómot ekkán ham tuwaibor moukuf gorar kabel oit faro.

Tosdikgora threnin ore mesal okkol oilde:

- Hamorcokti Toiyari (Workforce Innovation) ar Mouka Tuwar Program (Opportunity Act Program)
- DWD Ham or Sewar Program okkol (DWD Job Service Programs).
- Hamcika (Apprenticeship).
- Fecawari Bohalrakar (Vocational Rehabilitation) program okkol.

Añr pecten or pemen e faida olot asor goriboune?

Zodi oñne pecten olla dorhas goijjo yato pemen faiba de oile, yian hamaha añrare zana foribou. Arou malumat olla, Ikka zo: dwd.wisconsin.gov/uiben/reductions.htm

Intharneth Lotfaibar Dorhar asene?

Añrar Hamor Senthar (Job Center) ekkán ot zaiyo

Wisconsin or Hamor Senthar olot nisor sewa okkol fa zaibou:

- Kompyuthar ar intharneth estemal.
- Hamor plangora.
- Ham tuwar modot.
- Nisor hulsa boiyan leka, intharbiyu, ham tuwar mocuwara ar arou bout kessur babote onlain ar samna-samni wakcop.

Oñnorloi sóbse hañse Ham or Senthar tuwaibolla, Ikka zo: wisconsinjobcenter.org/directory

Oñnor elakayi pablik laibrarit zai soo

Oñnor ate-hañse laibrari faibolla, Ikka zo: wisconsinjobcenter.org/libraries/lawds.htm

Soorinaide faida olor babote arou malumat okkol zanibolla, Ikka zo: dwd.wisconsin.gov/uiben

DWD uggwá fúáinna moukar hamdouya ar hédmot douya. Zodi tuáñrtú honó ekkán mázur táke ar emalumal loi modot laár de óile, "Wisconsin Relay" Hédmot ólla meérbaniqori 7-1-1 ót dail goró. Meérbaniqori Berusgari Incúrens Divicén ót (414) 435-7069 loi yá toll-free asé dé (844) 910-3661 loi taaluk goró taaké oinno zuban ót báinga cámil asé dé oinnocokól ót maalumal ólla aros gorít fáro.

A proud partner of the  network